

Član 12.

Kada prijavljeni kandidati pri bodovanju imaju isti broj bodova, prednost će imati:

- kandidat iz viših razreda, odnosno godina studija
- kandidat čija su primanja po članu domaćinstva niža.

Član 13.

U okviru raspoloživih sredstava izuzetno se može dodijeliti 10 stipendija učenicima i studentima koji se školuju u specifičnim uvjetima, a imaju prosjek manji od prosjeka utvrđenog u članu 2. Pravilnika.

Specifični uvjeti se utvrđuju na osnovu liste Kantonalnog centra za socijalni rad - Službe socijalne zaštite Općine Novo Sarajevo.

Član 14.

Pravo Općinskog načelnika je da obustavi isplatu stipendija, shodno uslovima iz člana 14. ovog Pravilnika, a o istom će obavijestiti Općinsko vijeće.

Član 15.

Potpisnik Ugovora o stipendiranju obavezan je da vrati sav iznos sredstava koji je primio za stipendiranje, ako:

- napusti redovno školovanje,
- izgubi pravo na redovno školovanje
- ne završi sa uspjehom tekuću školsku/akademsku godinu.

PRELAZNE I ZAVRŠNE ODREDBE

Član 16.

Danom stupanja na snagu ovog Pravilnika, stavlja se van snage Pravilnik o dodjeli stipendija ("Službene novine Kantona Sarajevo", broj 17/03).

Član 17.

Prečišćeni tekst Pravilnika o dodjeli stipendija obuhvata: Pravilnik o dodjeli stipendija ("Službene novine Kantona Sarajevo", broj 27/09), Odluku o izmjenama i dopunama Pravilnika o dodjeli stipendija ("Službene novine Kantona Sarajevo", broj 45/11) i Odluku o izmjenama i dopunama Pravilnika o dodjeli stipendija ("Službene novine Kantona Sarajevo", broj 28/12), u kojima je označen dan stupanja na snagu tih odluka.

Član 18.

Prečišćeni tekst Pravilnika o dodjeli stipendija objavit će se u "Službenim novinama Kantona Sarajevo", primjenjuje se od dana objavljivanja, a važnost njegovih odredbi utvrđena je u odlukama koje su obuhvaćene prečišćenim tekstom.

Broj 01-02-617/13
12. septembra 2013. godine
Sarajevo

Predsjednik
Komisije za statut i propise
Nusret Branković, s. r.

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 50. Statuta Općine Novo Sarajevo ("Službene novine Kantona Sarajevo", br. 14/04) načelnik Općine Novo Sarajevo, dana 12. septembra 2013. godine, verificirao je i donio

ODLUKU

**O KOREKCIJI REGULACIONOG PLANA "POFALIĆI"
(Objekti u ulici Zahira Panjete)**

Član 1.

Usvaja se korekcija Regulacionog plana "Pofalići" (u daljem tekstu: korekcija Plana).

Član 2.

Korekcijom Plana usklađuje se usvojeni Plan sa situacijom na terenu, odnosno planirana rekonstrukcija ulice Zahira Panjete se usklađuje u odnosu na ucrtane predmetne postojeće objekte u toj ulici.

Član 3.

Korekcija Plana sastoji se iz tekstualnog dijela i grafičkog priloga sa ucrtanim postojećim objektima. Tekstualni dio i grafički prilog korekcije Plana su sastavni dio Regulacionog plana "Pofalići" ("Službene novine Kantona Sarajevo", broj 17/11).

Član 4.

Korekcija Plana je radena za fazu urbanizma i saobraćaja, a obzirom da nije zahtjevala promjene u ostalim fazama Plana, korekcija Plana je usaglašena sa Idejnim rješenjima koja su sastavni dio Izmjena i dopuna Regulacionog plana "Pofalići" ("Službene novine Kantona Sarajevo", broj 17/11).

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za oblast prostornog uređenja i urbanizma Općine Novo Sarajevo, Zavodu za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1592/12
12. septembra 2013. godine

Načelnik
Općine Novo Sarajevo
Nedžad Koldžo, s. r.

**ZAVOD ZA PLANIRANJE RAZVOJA KANTONA
SARAJEVO**

KOREKCIJA

REGULACIONOG PLANA "POFALIĆI"

(Objekti u ulici Zahira Panjete)

Direktor
Hamdija Efendić, s. r.

Sarajevo, februar/veljača 2013. godine

Nosilac pripreme plana:	Načelnik Općine Novo Sarajevo Nedžad Koldžo, s. r.
Nosilac izrade Plana:	Zavod za planiranje razvoja Kantona Sarajevo
Koordinator Sektora za provedbenu Plansku dokumentaciju i stručna mišljenja:	Stanislava Marinović, dipl.ing. arh., s. r.
Odgovorni planer:	Mirza Rustempašić, dipl.ing. arh., s. r.
Odgovorni planer faza saobraćaj:	Almir Hercegovac, dipl. ing. građ., s. r.

UVOD

Regulacioni plan "Pofalići" je usvojen i objavljen u "Službenim novinama Kantona Sarajevo", br. 17/11.

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik Općine Novo Sarajevo je pokrenuo inicijativu za korekcijom navedenog Plana aktom broj 02-23-1592/12 od 03.01.2012., a u cilju stvaranja preduvjeta za uskladjivanje usvojenog Plana sa situacijom na terenu, odnosno unošenje postojećih stambenih objekata u ulici Zahira Panjete u Plan, te uskladjivanje planirane saobraćajnice u odnosu na predmetne objekte. Predmetni objekti se nalaze iznad groblja "Obad", te je

za izradu predmetne korekcije pribavljena i Saglasnost KJKP "POKOP" d.o.o. Sarajevo, br: 1539/12 od 13.12.2012. godine.


odnosno prostor današnje ulice Drinska. Ukupna površina obuhvata Plana iznosi 114,0 ha.

IZVOD IZ REGULACIONOG PLANA "POFALIĆI"

Prostor Regulacionog plana "Pofalići" pripada administrativnoj teritoriji Općine Novo Sarajevo i sa sjeverne i zapadne strane graniči sa prostorom Regulacionog plana "Park-šuma Hum", sa sjeveroistoka Regulacionim planom "Velešići", sa jugoistoka Regulacionim planom "Pofalići-Ciglane", te sa južne strane granicu Plana definiše trasa planiranog Gradskog Autoputa,

KOREKCIJA REGULACIONOG PLANA "POFALIĆI"

Korekcija Regulacionog plana "Pofalići" odnosi se na uskladjivanje usvojenog Plana sa situacijom na terenu, odnosno uskladjivanje planirane rekonstrukcije ulice Zahira Panjete u odnosu na objekte u ulici Zahira Panjete, koja je ujedno i granica Regulacionih planova i "Pofalići", te je zbog toga urađena i Korekcija RP "Park - šuma Hum".



IZVOD IZ REGULACIONOG PLANA "POFALIĆI"
Službene novine Kantona Sarajevo br.17/11

M 1:1000



ZAVOD ZA PLANIRANJE I INŽINJERING KANTONA SARAJEVO



KOREKCIJA REGULACIONOG PLANA "POFALICI"
Objekti u ulici Zahira Panjele



■ ■ ■ GRANICA OBUHVATA

▬▬▬▬▬ SAOBRAĆAJNE POVRŠINE
SA REGULACIONIM LINIJAMA



ZAVOD ZA PLANIRANJE I ARHITEKTURU SARAJEVO
BR 22